


何氏類鎔

九之十一



				漢書門類
		三〇四		
	九	〇		
一	一	三		
二	三	函		
冊	架	號		

庫	文	閣	內
三〇四			漢
一	一	〇	書
〇	二	〇	類
架	冊	號	

內閣文庫			
番號	漢	3040	
冊數	12 (4)		
函號	367	43	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



新刻何氏類鑑卷之九目錄

倫常類

君臣

母子

夫婦

伯叔姪

朋友

翁婿

妾媵

夷狄

附

父子

兄弟


宗族

師生

舅甥

婦女

臧獲



淺草文庫

何氏類鑑

卷之九倫常

目錄

友人徐繼溥

唐應聘

門人陳夢蓮

吳道光

弟何懷玉校

新刻何氏類錄卷之九

皇明雲間何三畏士抑父著

倫常類

君臣

蓋聞君為元首臣為股肱元首明而股肱良者為君
臣興隆之象元首叢脞而股肱墮者為君臣敗亡之
徵故君有王主治主存主衰主危主亡主臣有王臣
良臣直臣具臣嬖臣佞臣古堯舜禹湯之世未有不
由此而治桀紂幽厲之世未有不由此而亂者也論
者謂人主之患常立于二難之間人臣之患常立于

何氏類錄 卷之九
二罪之間知此可以論君臣矣有臣幹而使之以器
有臣戇而容之以度有臣汙而恤之以私斯之謂英
主有君憚而反之以整有君怯而振之以勇有君奢
而矯之以儉斯之謂純臣武丁引金作礪以命其相
傳說喻木從繩以誠其君豈虛語哉然而官府峻于
九重堂簾遠于萬里君臣每相距而不交肺腑隔于
鳴輦聰明隱于垂旒君臣每相猜而不信惟交而後
泰可保惟信而後諫可行必也輟洗聽謀轉圜納諫
必也前席夜語止輦晨朝必也麗正崇儒集賢濟理
必也天章召對迎陽求言必也學士郤行中書補牘

必也伏闕引奏斜封勒還必也鳳鳴朝陽馬立對仗
必也折檻殿上請劍尚方君不必遠慕唐虞臣不必
仰希夔稷而遠近之勢辨于星日上下之情和于宮
商城無狐社無鼠海爲晏河爲清明主之衣已垂大
臣之袞何補天下有不奠于磐石寧于靜瀾者耶不
然而如毒逋之獨夫指鹿之二世黨錮之漢清談之
晉藩鎮之唐朋黨之宋不然而如中庸之伯始鼎立
之君房藍面之盧蜜口之李護法之呂拂鬚之丁其
于盛世君臣何如而天下之禍不旋踵而至矣

父子

昔者文王善作武王善述周公拜前魯公拜後以爲是父是子自古記之而後世如石碯者愛子而教以義方如孫盛者戒子而嚴以庭訓劉殷之有子七人也授之七業而其業俱成鄧禹之有子十三人也授之一藝而其藝皆就嚴延年之子各具一體得筆得義得酒得文馮奉世之子各習一經通詩通書通春秋通易王劭之似王導而見賞于桓公也則曰大奴自有鳳毛元將之與仲將而見器于孔融也則曰雙珠近出老蚌薛勤之造陳仲舉其父出迎而曰足下

有令子與談盡日而始還阮籍之造王濬冲其父每
遇而曰清賞非卿倫與語移時而後去王防禦之子
溥已拜相矣猶着朝服而令侍立于賓客之前畢衆
敬之子賓代爲州矣猶乘板輿而觀聽斷于堂皇之
上紀騭與父亮同領尚書每朝會則詔隔一屏以示
寵光于獨坐楊玄感與父素同班在國每朝會則命
降一等以展私敬于公庭楊彪之子雖見殺于曹瞞
不忘老牛舐犢之愛陳元方之父即被髡于郡守不
諱忠臣孝子之言或以聰敏見奇而曰楊素無兒蘇
夔無父或以書辭上奏而曰蘇瓌有子李嶠無兒王

氏之子皆負才名人謂有譽兒之癖索靖之子當爲
國器自誇無作吏之污穆寧處家第勅其子之窮甘
極旨令狐爲相惟縱其子之納賄招權陳萬年之教
其子咸也言者悉屬諂諛故應觸屏而睡崔烈之問
其子鈞也議者皆嫌銅臭亦不受杖而逃若劉子真
之操行而兒子不才乃至以賍污取罪王敬弘之爲
人而兒孫不教無能以學問致身狄仁傑舊有惠于
魏州其子景暉亦爲魏州竟以克殘而人毀其像崔
挹嘗致政于戶部其子湜後爲執政卒以請托而時
議其貪凡若此者父子之間可謂兩相負矣戒之哉

戒之哉

霍去病之父畢吏事而歸乃因遣迎傳舍中跽請而
言大人遺體裴儉之父遇亂時而失乃因轉居客廬
內買奴而得厨下老翁呂向退朝途見老者而得其
物色始知是父也遂抱哭于馬下而悲動行人姜太
師笞卒控之夫人而詢其鄉閭始知是父也遂迎養
于宅中而懺悔畢世

尹吉甫信後妻之讒而其子伯奇逐晉獻公聽驪姬
之譖而其子申生奔中山烹樂羊之子而遺之杯羹
樂羊坐幕下啜之不痛其死侯景執羊侃之子而置
之行陣羊侃從城上射之不欲其生此皆處父子間
人倫之變者也

母子

天下惟母子之倫有結於天性惟孝慈之誼無解於人心故國僑聘晉思母心動而遣問曾參在楚憶母心動而辭歸如符表之爲子當年少而侍省母一食亦一食母不食亦不食者如宗元卿之爲子在遠方而懷思母大病則大痛母小病則小痛者雖其孝思敦篤而亦母子必至之情也申喜之母累年已失所在矣忽入市聞歌而若有至悲者不覺動問慘悽遂得之乞人之内杜羔之母經亂不知所之矣偶隨兄鞠獄而見有老婦者竊疑少年狀貌遂迂之官舍之

中高士廉久宦嶺南念母彌切嘗夢與言于膝下而雪涕橫流無何果知音訊朱壽昌方在襁褓失母離居嘗聞遠嫁于關中而棄官至陝不久便得迎還潘良貴之母即陳瓘之母也其後皆爲顯宦而就養于兩家耿延年之母即單夔之母也其後俱爲尊官而爭葬于二子徐庶與劉先主共圖王業而其母見執于曹操則以亂方寸而辭歸家劉裕與何無忌謀誅桓玄而其母密窺于登樓則以決敗徵而勸舉事張奉之造毛義也適逢府檄其捧入而喜動顏色者亦爲母而屈于官郭泰之造茅容也同飯草蔬其殺雞

而用供旨甘者亦爲母而簡于客李奮之居家喪偶而恐其母之傷感也輒禁家人之哭而昏定晨省者如常李臯之在治被誣而恐其母之驚惶也輒解囚服之裝而擁笏垂魚者如故匡昕之母抱疴而死昕且數日伏屍而狂奔號叫死者復甦陳遺之母哭子而盲遺後一日還家而再拜悲傷盲者復豁此豈非是母是子性無微而不觸心有感而必通者耶彼鄉民如陳元者母以凶惡訟官乃遂刻責而行孝于家庭可謂小人中之君子文士如潘岳者母以知止垂誠乃復怙終而見收于孫秀可謂君子中之小人然

則行誼何常亦在人所自處已爾

[Faded vertical text columns, likely bleed-through from the reverse side of the page]

兄弟

孔明之兄弟分事蜀吳得龍得虎穆贊之兄弟稟姿
和粹為酪為酥何充之弟何準者第五之高名奚滅
驃騎周顛之弟周嵩者阿奴之下策乃出火攻劉岱
舉于前劉繇舉于後良驥騁千里之途季方難為弟
元方難為兄德星看一時之聚機雲二陸當是龍駒
鳳雛鍾錫二王可謂金昆玉友孟昶之兄弟丰姿並
美世號雙珠劉正之兄弟才譽俱高時稱兩驥羨三
何于東海子朗最多標三虎于賈宗偉節最怒誇荀
氏之八龍者慈明無兩頌馬氏之五常者白眉獨良

韓之綜絳緝維才皆經緯王之琪珪玳瓊噐盡璠璣
趙姓韋姓之季昆今之杞梓景初景融之伯仲古之
荀陳柳惔與弟悅少時齊名二龍並舉崔陵與弟仲
文同日封拜兩鳳連飛盧之極顯榮者渥沼治沅並
列尊官謝之尤彥秀者封胡羯末標奇小字大秦小
秦者以景通與睇而為號大馮小馮者以聖通野王
而得名許將許安則為大許小許任攷任伋則為大
任小任三洪者洪适洪邁洪遵三王者王勃王勳王
勔三馬者子結子庶子尚二陳者堯叟堯佐堯咨有
寶儀之五桂竇群之五星有燉煌之五龍南陽之五

伯有江東之三岑龍眠之三李有河東之三薛信都
之三張以至丁儀丁廙之為二丁應瑒應璩之為二
應戴述戴迅之為二戴孫何孫僅之為二孫家擯家
抑之為二家宋郊宋祁之為二宋文仲武仲之為二
孔子瞻子由之為二蘇此皆兄弟以名位亢宗以文
章標望者也若司馬公平章致仕與其兄伯康者年
將八十矣而饑寒相撫者終其身周益公太傅退休
與其兄乘成者年皆八十矣而詩酒相娛者畢其世
偕此蒼頭華髮怡然碧水丹山此誠古今壽考之耆
英人世吉祥之盛事而可易得乎哉

姜肱與其弟海弟江常同臥起堅辭孝桓帝之弓旌
陰慶與其弟員弟丹散給貲財但佩銅陽侯之印綬
孔奮之弟嘗見困于諸生奮每厚遺之而俸祿俱與
之共李銓之兄不見愛于後母銓每善視之而衣食
必與之均李充之兄弟貧無擔石之儲而不忍以私
財分異李孟之兄弟富有田園之入而必欲以義讓
相成薛包之分財而田取其瘠者奴婢取其老羸者
惟以厚弟之貲而自甘貧約許荆之析產而田取其
肥者奴婢取其強壯者乃以成弟之舉而自取譏
魯恭以小弟名尚未成故托疾病而不爲祿仕鍾皓

以二兄身猶未顯故辭徵聘而不居寵榮蔡邕三世
同居鄉里共推其義孔融一門爭死郡邑皆重其名
淳于恭赴賊營而免弟之難仙偉營墳墓而撫弟之
孤楊林推鹿車而持弟之喪李洪飲鴆毒而代弟之
命徐苗含潰癰而厝弟之殯荀倫檄河伯而出弟之
屍鄭均遺貲財以諫兄之貪姚萇授馬騎以救兄之
厄呂君經縣門以脫兄之禍庾袞納漿粥以起兄之
病倪萌詣敵壘以解兄之危陳業刺臂血以收兄之
骨此其死生患難兄弟間可謂兩不相負矣

古之為夫婦者應鳳皇之占中孔雀之目取蒲葦之義諧琴瑟之歡或相奇骨而娶九姨或牽紅絲而配三女或設別席而覓快婿或見文書而嫁官人或以鏡臺而得老奴或以狀貌而妻慶息或以委禽而娶徐妹或以坦腹而喜東床外黃富人之女欲求賢夫因請決而嫁張耳陽夏巫家之女生有貴相因推問而匹次公鮑宣之少君去美飾而着布裳每提甕而出汲梁鴻之德曜謝縞衣而為椎髻時舉案以齊眉相如得妻于茂陵終不忘白頭之歎孔明擇婦于承

夫婦

古之為夫婦者應鳳皇之占中孔雀之目取蒲葦之義諧琴瑟之歡或相奇骨而娶九姨或牽紅絲而配三女或設別席而覓快婿或見文書而嫁官人或以鏡臺而得老奴或以狀貌而妻慶息或以委禽而娶徐妹或以坦腹而喜東床外黃富人之女欲求賢夫因請決而嫁張耳陽夏巫家之女生有貴相因推問而匹次公鮑宣之少君去美飾而着布裳每提甕而出汲梁鴻之德曜謝縞衣而為椎髻時舉案以齊眉相如得妻于茂陵終不忘白頭之歎孔明擇婦于承

何氏類錄 卷之九
彥曾不嫌黃髮之容王氏女之配孔郎遂以烏羊爲
嘉禮韓夫人之嫁于祐應知紅葉是良媒馮良之居
恒而其妻見之也遇之如君臣鄉黨尊爲儀表冀缺
之耕野而其妻餉之也待之如賓客晉侯爵爲大夫
顧悌之戶內森嚴其御妻也常出入晨昏終日不一
覩其顏面王曾之壺中修整其見妻也必衣冠酬酢
終歲不再至其房帷張子高官京兆而爲婦盡着固
知閨門夫婦之私有加于此沈文季守吳興而與妻
對飲能令公府簿書之務不廢其常山濤食貧而以
公輔是負呼其妻韓姑堪作夫人卞彬喜飲而以田

居自稱謂其婦傅姬亦爲蠶室樂羊子之妻其夫以
尋師而速返乃引刀斷織七年遠出而成名嚴灌夫
之妻其夫以無嗣而遣歸乃臨別賦詩一旦離居而
復合王章臥牛衣之中與妻對泣是其所爲安貧龐
公在鹿門之下與妻隱居是其所爲同志有生前而
鏡裏圖形夢裏還家者此其夫婦則深于愛有葬後
而相思成樹雙梓成墓者此其夫婦則死于情若羅
敷作陌上之歌蘇氏寄迴文之詠可謂不負其夫若
曾子絕終身之娶管寧愧違心之言可謂不負其婦
至乃馬氏之棄去其夫而求合于途遇不知覆水之

難收黃允之黜遣其婦而乞婚于司徒不顧毀名之
已甚蓋夫婦間至此而兩相負矣

宗族

宗有大宗小宗族有三族九族古者以飲食親之以
寶玉分之不以婚姻通之不以富貴加之而且有不
親不睦之刑不吊不免之罰者蓋重之也故如散金
如損俸如合爨如同居或共二世之財或書百忍之
字或舉二社之會或受千卷之書或聚七百口之餐
或散三千疋之絹甚而作糜之聲聞數十里臨食之
頃失三十人甥姪亦有名于院中擊鼓而會飯外孫
亦分田于宇下解忿而息爭至僮僕財物無間于纖
毫而馬狗牛羊且爲之共乳是稱名族鼎族因號義

門德門所謂能守家風世載名德雍睦著美節素流
芳者矣而其有一時藻績累葉文才門族相高爵位
相繼者若謝混與族子靈運瞻晦曜以文義賞會同
為烏衣巷之游崔倕與諸子邠鄴郇鄆以孝友周
旋共居光德里之宅裴氏自晉朝魏代而後世為名
宗號居燕居梁居河東之眷鄭氏自太傅司徒以來
代為使相稱南鄭北鄭大小鄭之家王氏之族其最
盛者為祥為衍為綏為澄為敦為導為戎為玄張氏
之族其著名者曰敷曰演曰鏡曰暢曰充曰融曰卷
曰稷郭氏之前賢後哲頃在一門陸氏之三相五侯

盡出一姓其他滎陽之鄭范陽之盧蘭陵之蕭天水
之趙隴西之李弘農之楊彭城之劉吳郡之顧其稱
海內貴望天下甲門豈少也哉若許劭之宗人許相
利祿浮沉匍匐者衆而劭獨不過其門何之元之宗
人敬容勢位隆重訪顧者頻而元獨不詣其第狄樞
密不認遠祖于梁公之後杜正倫不許通譜于城南
之宗此皆賢者所為可以示訓人世彼有浮慕詩名
而以賂遺呼羅隱為叔姪羶趨炎勢而以嗜進尊李
義甫為父兄者視此可以愧矣

伯叔姪

古以兄弟之子爲猶子引而進之此謝玄之約欲芝
蘭玉樹使其生于庭除而馬援之書欲謙約節儉使
其效諸伯高也故夫子弟何預人事而兒姪不異一
情固亦世所稱矣王湛之與王濟共談周易也因知
其在山濤之下魏舒之上阮籍之與阮咸同游竹林
也何論其爲南阮之富北阮之貧第五倫省兄之子
抱病而終宵十起猶以退時安寢而自謂其私郟道
徽携兄之子就食而吐飯兩頰則以荒歲保全而人
推其義劉矩以叔父遼未仕謝聘而待諸公之辟後

何氏類錄 卷之九 十五
至太尉尊官王基以叔子喬未侯上疏而分百戶之
封遂得小侯名爵陸倕密羞盛饌輒爲太守張筵其
季父納者杖之而嗔其穢我素業楊愔獨坐書齋不
與羣兒爭果其季父暉者異焉而歎其有我家風李
錡之在金陵而其姪李約謁之也盛稱招隱寺之致
無非賞其野曠山踈陳瓘之遇誕日而其姪陳修壽
之也獨獻遊五湖之圖惟是諷其名成身退謝晦以
壯年而刺荊州頗有德色叔澹欲誠之而艷說荀郎
早貴反嘆老以抑其矜夸劉毅以貴顯而多導從每
至盈門叔鎮常詬之而深規汝輩驕恣先辭官以遠

其罪戾符朗才美足稱千里駒符堅所以有亢宗之
喜宗慙志高欲破萬里浪宗炳所以有滅戶之憂元
德秀憫兄嫂之遺孤晝夜抱懷而即以已乳含之也
經旬而有汁張公儀痛兄兒之被執慷慨詣賊而請
以已子易之也感義而悉還王僧虔撫兄之弱息而
視其疾病也竟廢寢食而幾絕宦遊之情淳于恭養
兄之幼兒而教之問學也常自鞭箠而微示感悟之
意諸如此類者其于伯叔姪之間蓋兩相成而兩不
相負矣若魏譚之遭饑饉棄去已之女獨活兄之兒
而遂蒙褒薦也不可謂無公論鄧攸之值亂離欲存

弟之男竟棄已之子而卒致無兒也尚可謂有天道乎

此處為多欄空白或極淡之文字，內容不可辨識。

師生

師者學人士之所南面稱先生而北面執弟子禮者也聞之伏羲神農黃帝顓頊其師曰宛華曰悉諸曰大撓曰祿圖唐堯虞舜夏禹殷湯其師曰務成曰尹壽曰大成贄曰貸相而文王師錫疇武王師呂望周公師號叔仲尼師老聃齊桓師夷吾晉文師咎犯秦穆師百里楚莊師叔敖夫以聖帝明王大聖人顯諸侯也必待師而其智乃博其德乃弘而况下此者乎在漢顯宗之尊桓榮特崇師傅之禮章帝之遇張酺先備師生之儀趙孝王聞婁望有節操而遣大夫聘

迎慕容虎重劉讚爲純儒而使太子師事以王祥爲
三老雖曹髦而猶乞言于几杖之前以淳于岐授一
經即姚泓而尚省拜于床幃之下宋高之于周續之
也開別館而招集生徒乘輿降幸宋武之于顏延之
也領湘東而款迎師保金紫游加故擁篲先驅國君
且隆儒于碣石而褻糧受業徵士亦振鐸于東陵周
不疑之就學劉巴不使成名記問魏德公之求事郭
泰匪徒精義經書慕馬融而從遊者日聞女樂常施
絳帳在前望劉巖而下席者時詣故人每持胡床隨
後董春營精舍學士數百葦鳴鼓而橫經宋氏立講

堂後生數十人隅幔而授禮謝靈運之居恒出入扶
拽盡是門生張伯饒之宅傍室廬賃僦無非弟子徐
曠嘗質疑于沈重呼與之議論者十餘番而重始稱
嗟不已鄭灼嘗肄業于皇侃夢與之邂逅者一再唾
而灼遂精進不窮項生丁寬之師田何同門而造就
各別彭宣戴崇之師張禹異待而情好皆歡李謚初
師孔璠而數年博通經史璠乃心儀之而就之請益
反服義于下風馬融初師鄭玄而一日精美渾天玄
乃心忌之而恐其擅名輒遣追于別後何尚之與王
球之相譽也不曰西湖之業則曰江左之風是以友

朋而推轂也夏侯勝與姪建之相非也不曰章句之
儒則曰疎畧之學是以宗黨而操戈也若邊韶以弟
子私嘲議者謂其近千調戲陽城以罪人為黨論者
謂其過于納汗陰鳳之讀書竟以酬資無措而輒至
脫衣徐遵明之教授常以絲粟羈留而名為影質其
于師道何居而士風斯下矣

朋友

昔者仲尼之遇程木子也締交于傾盖之頃吳祐之
遇公沙穆也定交于杵臼之間張敏之交高惠每相
思而不見常寄懷于一夢中稽康之交呂安每相憶
而願從輒命駕于千里外山濤之于鄭當時也孟郊
之于韓愈也孔紹安之于孫萬壽陸贄之于張鎰也
其交皆為忘年廉頗之于藺相如也陳餘之于張耳
也李密之于楊玄感廉范之于慶鴻也其交皆為刎
頸為膠漆交者雷義陳仲為爾汝交者禰衡孔融為
得意交者孔淳之法崇為剖心交者延叔堅張真為

何氏類聚 卷之九 十九
割席交者韓億李若谷爲耐久交者裴延魏元同爲
林泉交者蘇祐韋温爲雲霞交者謝澹范友爲異常
交者謝述尹景純劉湛爲放逸交者梁曠韋處玄韋
負爲世外交者許叔遠王右軍爲人外交者顧華陽
柳夷曠爲神交者劉彥度阮孝緒爲死交者陳平子
范巨卿爲君子交者孔稚珪陸惠曉謝瀹張融何點
沈淵之流爲方外交者陸餘慶盧藏用陳子昂杜審
言宋之問郭夔微之輩稱節義四友者楊穆許李稱
文章四友者崔李杜蘇稱山澤四友者何謝荀羊稱
淮泗四友者盧何韓李夏侯眇潘岳之相與也人謂

之連璧龔勝龔舍之相善也世謂之兩龔孔明張温
異國而結金蘭之契陸抗羊祜對壘而成僑札之歡
張九齡改容而謝李長源規切之言因呼小友劉善
明貽書而念崔祖思昔時之好每憶故人庾翌之與
桓温在總角之時便期終始韋正之與王僧孺當擯
廢之後獨與周旋此交說也善乎王丹之言曰世稱
管鮑次則貢王張陳凶其終蕭朱譽其末蓋交道之
難自古而歎之矣

鄭崇質之當充遠使也其母疾病危矣狄仁傑不欲
以絕域貽其親萬里之憂乃以身代鄭而請往劉禹

錫之出守播州也其母春秋高矣柳宗元不欲以瘴鄉貽其親老年之慮乃以柳易播而請行二公之重友誼奮不顧身如此

舅甥

晉公子投璧于子犯欲與舅氏同心而重白水之誓秦康公贈詩于晉文每以舅氏爲念而深渭陽之情甯氏之甥魏陽元者小慧而以貴甥標奇當作人中之領袖王融之甥劉孝綽者幼聰而以神童示異當歸天下之文章衛玠之風姿儁爽其舅王濟嘗嘆美之而以爲罔若在側之明珠韓康伯思理清和其舅殷浩嘗稱揚之以爲居然出群之偉器陸泉之舉止風韻頗類其舅張思光因稱之日下無對謝蘭之諷誦聰明見稱其舅阮孝緒遂謂之吾家陽元何無忌

之于劉牢之惟是甥酷似是舅范武子之于王元達
非此舅焉有此甥劉湛之甥王延阮韜並隆時譽而
有卿卿月旦之評郭奕之甥慶孫越石同著時名而
有奕奕洛中之語程末親喪號泣舅且哀其羸劣而
嚼棗肉哺之也輒歔歔而不能咽黃香年少食貧舅
且憫其饑寒而作衣被贈之也輒辭謝而不敢承李
繪神情朗雋爲舅邢晏所嘆羨而曰宅相良在吾甥
陳聰手采英拔爲舅蕭勵所心奇而曰知名當出吾
右封倫之舅盧思道者每噐其識畧過人而曰是兒
當自致卿相李靖之舅韓擒虎者每歎其談兵有致

而曰斯人可與語孫吳張克勤賜官而推讓其甥雖
被劾而不失厚道周翼解職而歸塋其舅且心喪而
不勝悲哀他若劉昌史牟之于甥而斬之軍中殺之
杖下王師範朱齡石之于舅而抵其死罪割其肉瘤
此皆殘忍刻薄之徒而爲名教所不容人類所不齒
者矣

何氏卷金
 卷之九
 三二

翁婿

樂廣為翁以舊有冰鏡之譽而謂夫人冰清衛玠為
 婿以舊有玉人之稱而謂女婿玉潤孫文英李元禮
 之娶妻于桓太尉也一望門闌兩婿有乘龍之喜崔
 愨崔陵之求配于盧刺史也一家姊妹兩昆成同日
 之婚裴吏部之一嫁蘇味道一嫁王勳也皆掌銓衡
 之柄馮宣徽之一娶晏元獻再娶富鄭公也並婚公
 相之家希文范公之論壻以富彥國之修謹張方平
 之疎俊也而片語定其低昂信都蘓氏之擇婿以魏
 知古之必貴張文成之無年也而一時決其去取呂

範以姿容而得婚于劉氏豈論家貧丁儀以令士而見娶于曹公何言目眇陳襄以女妻傅楫謂其爲金石之人賀瓌以女妻和凝謂其爲志義之士張宣子之女妻劉殷也則以其才識之超世王文正之女妻蘇耆也則以其才器之出羣柳開乞婚于錢供奉之家其父以劫娶爲奏而帝謂柳開奇傑之士朕爲卿媒權德輿嫁女于獨孤及之子其時以高等制科而帝謂獨孤英敏之才卿有佳婿杜廣之擇婿而妻劉景也得之牧馬劉放之擇婿而妻張華也得之牧羊王安豐之選任瞻爲婿也得之挽郎之中蒼梧守之

選陶謙爲婿也得之游兒之內若韋臯見辱于張延賞而其後爲節度使也則以出鎮擁旄而代其官爵崔圓受侮于李彥允而其後爲中書令也則以按罪訊獄而寬其死刑至乃杜黃裳始官卿士其女壻韋執誼爲相輒輕易之韋執誼既貶崖州其婦翁杜黃裳爲相終保全之由前言者如韋如崔可以愧世之薄待其壻由後言者如裳如誼可以愧世之薄待其翁者矣

張說之婿鄭蓋者以封禪舊例而得超遷賜緋是爲婦翁移蔭于女婿乃太山之功玄宗之婿張垆者以

尚主懿親而頒禁苑珍奇是為學士受遺于婦翁非天子之賜謝安惡其婿王國寶之為人也終身不竟其用盧毓惡其婿華廙之有材也數年不調其官

鄭宣徽天休之選王禹玉為婿也後為平章王平章禹玉之選鄭達夫為婿也後為樞密趙叅政昌言之婿為王文正旦而王文正之婿為韓忠獻億李侍郎虛已之婿為晏元獻殊而晏元獻之婿為富文忠弼以至呂惠穆之婿為韓文定思彥富文忠之婿為馮宣徽京薛簡肅之婿為王懿恪拱辰歐文忠修陳康肅之婿為賈文元昌朝曾宣靖公亮蓋宋世公卿雅

意憐才留心擇婿故其名位風節往往亦畧相當類如此

婦女

漆室女之倚柱而長嘯也所虞魯君老太子幼以女
子而抱丈夫之憂淳于女之垂泣而上書也所願沒
官婢贖父刑以女人而為男子之事孔融見收被誅
其女七歲者寄居于他廬不欲久活而烏知其有肉
味蔡邕鼓琴絃絕其女六歲者潛聽之昏夜輒能審
音而即知其為二絃符縣之趙女以其父詣郡而沒
死求喪而不可得也乃自沉于沒處其兩屍同日而
浮青陽之李娥以其父鍊金而鑪敗罹罪而不可脫
也乃自投于焰中其金汁塞鑪而下有女年十三者

能爲父突圍而乞援有女年十四者能爲人出力而
報讐外黃緱氏雪恨而殺人可以激忍辱之子上虞
曹娥沉江而抱父可以風貪生之夫吳大帝時趙姬
嘗注列女傳而其奉詔入省也以其能文而有才號
曰趙母宋孝武時韓英嘗獻中興賦而其被賞入宮
也以其年老而多識呼爲韓公盧虔之妻元姬者升
堂而講老子之經韋逞之母宋媪者隔幔而講周官
之禮左嬪奉詔而作離思賦班昭應詔而成後漢書
絳僊賜合歡果而上箋于君王黃氏托崇嘏名而獻
詩于蜀相有幼女能詩而其命面試于臨軒也應聲

而輒就有小女能諷而其聞歌詞于才士也一誦而
不忘蘇娥善吟揮毫有迴文之咏謝韞善賦隨口有
柳絮之吟甄后早歲喜書而借筆于弟兄因稱之爲
女博士郭后少年穎慧而見奇于父母遂號之爲女
中王凡此皆賢女才女之儔史傳中之歷歷可紀者
也若夫冶容麗色蘭形棘心貌足傾城言能亂國者
斯亦無足稱述矣

妾媵

昔人之稱美妾者如修容綠水之歌艷姿火鳳之舞
樊素櫻桃之口小蠻楊柳之腰淨琬盤舞于掌中荆
玉銜簪于席上琵琶傳呼于鸚鵡月英忍照于鴛鴦
張仙娥書翰兼工囀春鶯色藝兩絕曹文姬充精翰
墨御史娘獨擅新聲真珠玉腕可憐柳姬艷容無匹
綠珠巧吹羌笛月華善彈箜篌真真頗好文詞吟吟
雅多風態盈盈艷姿絕世七七聰明過人瑤英能歌
舞而習詩書却要美儀容而饒詞令非烟擅秦聲而
好文筆解愁有國色而工小詩以至絡秀翠翹玉簫

錦瑟柳枝桃葉紅鸞絳桃秋娘仙娥雪兒琴客宋氏
任氏柔奴秀奴田田錢錢鶯鶯燕燕此皆仙姿玉質
月貌花容一顧傾城千金買笑雖非金屋閨中之秀
而亦青衣色中之尤者也若其間募勇夫以驅成都
之賊慷慨麾兵念舊愛而居燕子之樓從容就死則
又豈非女子而丈夫婦人而烈士者哉

張光祿多寵而當衰暮之年人有譏之者光祿以爲
情之所鍾頗戀而未能遣此王處仲色荒而當體疲
之日人有諫之者處仲以爲事之所易輒驅而任其
所之種世衡之知環州也嘗出侍姬以宴客有竊戲

之者衡且出掩之其人惶恐請罪矣而衡慨然即以
相遺以此得其死力王韶之知鄂州也嘗出家妓以
娛賓有醉挽之者妓且泣訴之其時倉遽失色矣而
韶恬然不以爲意以此服其坦衷韓魏公在政府內
庭舊有女樂廿輩一日盡遣出外而公不留之爲暮
年歡司馬公在太原夫人新置侍妾一人一夕遣至
院中而公不御之爲舉子地則又人情所難矣

中流公不勝之為舉于歐陽又人訕其美矣
 于海濱公亦大氣夫人陳置有笑一人一父出矣
 初嘗承文樂計草一日盡數出於公不勝之為
 游於下以公意以地願其世吏請公全其
 公亦不謂之吝故且而之及後食其公也
 外以公計其後王信之公信也善其美也
 又不知日出於其人之野以請公之
 不勝之為舉于歐陽又人訕其美矣

臧獲

凡民男而壻婢謂之臧女而婦奴謂之獲而官府刑
 例以此為按罪之條土俗方言以此為詈人之語即
 古制男女之沒入少才智為奚而秦時奴婢之鬻身
 與馬牛同簡蓋賤之也乃有多畜之律有私屬之禁
 而又有謂耕當問奴織當問婢者又有謂教奴學耕
 使婢執杼者然則奴婢雖云賤役奈何而可廢之哉
 故陳平以奴婢一百人結歡太尉周勃宣帝以奴婢
 百七十人賞賜大司馬霍光而若陶朱公卓王孫若
 張安世袁廣漢若石崇折國若楊素刁達若呂不韋

王安豐郭汾陽輩其奴婢或數百或數千至有以萬計者而長鬚之老奴無齒之老婢貧家亦每每用之至如劉琰家之能誦詞賦鄭玄家之能讀詩書而高士玄真子以上賜奴婢二人配爲夫婦使漁僮持綸司釣鼓柁于蘆中使樵青蒸桂刈蘭烹茶于竹裏斯可謂清真絕俗寥廓過人者矣

奴有名爲蒼頭廬兒者亦有名爲豬突豨勇者三千人實紀綱之僕而一千指比公侯之家乃古之爲人奴者如衛青如季布欒布也而不免奴非所諱也石崇之奴熊翹者廉直有士風陽城之奴都兒者方介

有士行渾瑊之奴黃岑者素性敏惠郗鑒之奴蒼奴者能知文章孫權之奴谷利者以謹直而得親霍光之奴馮都者以計事而得幸祖逖之奴王安者其種本夷遂遣還于石勒陶侃之奴海山使者其人故異遂驚禮于胡僧陶彭澤之男給以一力使侍晨昏所以令之善遇惟助其薪水之勞蕭穎士之僕事之十年不堪捶楚所以去而遲留特愛其博奧之學以李鴻爲奴者往來如期于千里之內以謫仙爲奴者酒食可辦于倉卒之間夷師父之奴范文者以刀斫石障而其後爲國王陳國公孫之奴地餘者變名爲王

斌而其後爲郡守李元之奴李善者有存孤之大義
李曇之奴王達者有報主之舊情以至王褒之髯奴
李賀之奚奴王元景之典琴奴王子泉之便了奴皆
非常奴也若趙縱之奴發主陰私而詔下之獄王稷
之奴訐主舊事而詔籍其財非張鎰之疏裴度之奏
撲殺此獠當不足爲豪奴叛僕大示創懲耳

女婢有曉書者有曉祝者有善縫者有善歌者有善
音律者有讀書者有誦靈光賦者故買婢或以錢八
十萬得四人或以價一十五萬得一女而劉積中之
小碧柳參軍之輕紅張不疑之金缸郭正一之玉素

孔熙先之採藻揚元孫之採蘭獨孤明之懷春顏直
卿之剪綵武翊之薜荔王懌之崑崙李準之春鶯孟
昶之春燕其以風骨姿態艷麗俊俏見稱而號佳人
美姝者故自不少也乃如無恤之真將軍其母是婢
也姑布嘗驚異之雖翟婢之微而不能使賤如裴秀
之有今望其母亦婢也衆賓皆起拜之雖嫡母之妬
而不敢加陵緹縈之救父上書願沒身爲婢以贖死
崔覲之老年無子嘗授田給婢而隱居劉寬之婢適
當朝會偶捧羨而翻污朝衣本婢倉遽收之而第徐
語曰羨爛汝手乎於此見劉公間畧之性鄭玄之婢

何氏類金 卷之九 三十一
欲加楚箠方陳辯而怒令曳地他婢從容問之而第
誦詩云逢彼之怒也於此見鄭家文雅之風彭城劉
元普之女將適人矣所買一婢資行者視有殊色而
詰之乃衣冠子也遂以貲財先擇配而婚之何其厚
也縣令鍾離君之女將嫁夫矣所買一婢從嫁者聞
有哭聲而詰之乃前令女也遂以奩篋即歸妹而配
之何其仁也若郭璞用術得人之婢給之損價而賣
輒行詐于主人阮咸借馬追姑之婢與之累騎而還
竟見非于賓客石崇有愛婢綠珠者孫秀使人求之
崇無與意而卒以被誅到搗有愛婢玉珠者明帝遣
人奪之搗有怨心而幾致見殺乃知尤物終爲厲階
可不戒哉可不戒哉

(This section contains faint bleed-through text from the reverse side of the page.)

夷狄附

攷之東方為九夷其夷被髮文身南方為八蠻其蠻
 雕題交趾西方為六戎其戎衣皮被髮北方為六狄
 其狄衣羽穴毛而海外之國有党項灌頭反舌跂踵
 鑿齒豕喙修股奇肱三身三頭一手一目長臂連臂
 結胷穿胃無腸浣腸離耳聶耳丈夫女子君子小人
 高麗新羅康居姑墨契丹回紇牂牁匈奴突厥鮮卑
 扶餘于闐罽賓靺鞨肅慎勃靉燃丘焦洲拂林罽布
 月氏日本天竺夜郎武昌高昌女和女直疏勒鉄勒
 波斯頻斯三苗三韓百濮百濟車師林邑且末吐蕃

古莽條支樓蘭安息季禺叔斃犬封牛釐大宛大夏
大秦烏桓烏孫烏托東胡西域扶南比胸白民青丘
玄股黑齒此外或食鳳卵或飲甘露或啣金石或使
熊羆或衣魚食驅或拾塵吐霧或正立無影疾呼無
嚮或從雲而行無翼而飛或思士不妻思女不夫或
至如焱風去如收電或羽生其身上或火出其口中
或操青蛇黃蛇或生赤穴黑穴或以銀爲地或以土
爲船或以玉爲衣或以金爲屋或以獸爲食或以鼠
爲王或不稼不穡不績不經或不食不衣不病不死
或憑風而翔乘波而至或風不折木水不揚波甚而
有日月不照陰陽不交雷霆在下波濤在上自鼻飲
之蠻以至頭飛之虜涉身焚之阪以歷頭痛之山其
所稱爲百人之酋千口之長者非但三十六國而止
亦奚啻數千萬里而遙矣此皆飲食不同言語不通
正朔不加政教不及得其地不可耕而食得其人不
可畜而臣先王所以來則懲而禦之去則備而守之
其慕義而貢獻則以禮讓接之第爲之籠絡羈縻而
不爲之窮追極討者豈非自古制馭夷狄之道有固
然者耶

新刻何氏類鎔卷之九

行誼類

忠臣

孝子

賢母

廉吏

節士

節婦

勤學

聰慧

方正

博識

曠達

藻鑑

隱逸

友人劉有綸

張嘉遇

門人黃士彥

吳繼祖

婿徐响慶校

新刻何氏類金卷之十

皇明雲間何三畏士抑父著

行誼類

忠臣

自古人臣之忠者往往瀝血抽誠披胸見款甘斧質于昔日赴焦爛于危年誠不忍見麋鹿之栖寢宮黍禾之被宗廟丹心莫亮白刃先摧不泯泯滅滅而生寧烈烈轟轟而死豈非世間之奇男子大丈夫哉當春秋之世君子謂鬻拳之忠也諫君而自納于刑既刑而不忘善其君謂子囊之忠也君薨而猶增其名

將死而不忘衛社稷詹伯之忠于鄭也贖國殺身而
就烹丑父之忠于齊也代君任患而獲免勃蘇之爲
忠也勞其身愁其思以復國申鳴之爲忠也全其君
殺其父以捐生謂申蒯爲忠者斷臂以示崔杼呼天
而鬪謂弘演爲忠者納肝以哭衛懿仰天而號後世
若樂羊中山之攻義不得顧其子祭彤信都之役義
不得顧其家王蠋不爲兵刃所劫而自經樹枝李業
不爲公侯所縻而自飲毒藥傅彤傅僉皆見危而授
命乃父子奕世之貞魂許寂許明皆力戰而被擒乃
兄弟同時之死節蕭時文利不可誘真稱社稷之臣

王文度言不及私惟憂國家之事賜金券以貸拒師
之死堯君素卒無降心引佩刀以明皇嗣之誣安金
藏惟有畫腹朱泚之亂何蕃正色而相詭故六館之
士名不受汚壽州之圍孫晟大聲而遙呼故臨刑之
時死不負主張禘不欲鳩君而求活何忍視息人世
間于簡不能按項而偷生遂得追蹤古烈士易雄雖
當王師之敗微弱而濱于危無難以身就戮陳不占
雖聞戰鬪之聲恐駭而逮于死終不以私害公徐鉉
撰碑猶存舊主之義牛承獻賦不忘蜀王之情若張
南軒之孫張唐朱晦翁之孫朱浚者宋亡之季皆能

何氏類金 卷之十
死義得與陸秀夫文丞相地下相從亦可謂不曠其
官無忝爾祖矣

孝子

人子爲親行孝未有不自孩提而已然者劉殷以九
歲求董于澤間陸績以六歲懷橘于袖內趙恂以五
歲而得甘美之物不敢獨嘗張敷以十歲而開笥篋
之遺輒爲流涕汝郁以五歲持母病而啼哭其母爲
之強餐王修以七歲哭母死而悲號其隣爲之罷社
黃香以九歲而扇席枕于臥處梁彥先以七歲而來
藥餌于園中馮皓年十六髡頭詣闕而白父之寃彭
修年十五拔刀持盜而救父之難故何子平六十而
有孺子之慕老萊子七十而爲小兒之啼良有以也

何氏類金 卷之十一 三
昔者曾子讀喪禮而泣下沾襟顧愷讀父書而涕垂
哽咽朱壽昌恨不知母而寫經刺血楊引恨不識父
而追服斬衰蔡中郎方親病之時不解襟者七十日
申屠蟠雖服除之後不進肉者十餘年崔渾痛母抱
痾而以身請代當指痛之頃即母愈之時劉璠聞母
沉疾而就道悲哀當身痛之辰即母亡之日荀愷在
喪而多憔悴之色長號而哀動傍人吳隱之遭憂而
極哀毀之容每哭而涕流隣母仲由念枯魚而永慕
虞丘感風樹而長悲王祥斲層冰以鱸鮮孟宗封積
雪以抽筭曹曾摻瓶而泉湧楊林泣地而冰成李行

簡吮癰而疾平李虛已舐睛而明復蓋至馴兔逃其
室祥雉宿其廬赤烏巢其門白雀遊其塚彩鸞棲其
墓素狸擾其傍獸銜土以壘隴頭禽採花以插墳上
粟得十五鍾於籬下果實一再熟于冬間稽顙庭中
而天漢開明祈禱庭下而香氣鬱勃神人授之三尺
絹老父與之九靈丹此皆孝感所致天且福之不但
旌閭表闕而已爾

華寶憶父從軍之一言至六旬而不冠不娶流涕者
終其身此之謂生孝吳坦之設母墓夕之九飯每一
祭而且泣且號嘔血而至于死此之謂死孝若和嶠

之居喪哀毀過禮戴伯鸞之居廬非禮不行亦皆所謂生孝王戎之居喪未嘗不飲酒食肉而容貌毀瘠杖而後起戴叔鸞之居廬亦未嘗不飲酒食肉而哀至乃哭殊有毀容亦皆所謂死孝也

賢母

魯有九子之母者穆公賜號曰母師衛有七子之母者詩人咏歌曰母氏甚美賢母之爲貴而亦賢母之爲難也昔者魯文伯且死宮女有泣者而賢士君子不見涕流是于士人薄而婦人厚也此其母所以無悲傷之色齊閔王出亡諸臣有從者而王孫大夫不知處所無貴朝倚門而暮倚廬也此其母所以有督過之言陳嬰之母不欲其子爲王請以兵屬人願以事成小受其利王陵之母不欲其子歸項請以身事漢無以母故乃貳其心雋不疑之尹京兆而錄囚少

所平反母夫人輒怒嗔之故其爲吏也嚴而不任寬
殘王司馬之鎮湓城而遇事少不如意母夫人輒箠
楚之故其爲將也敏而能成勳業范孟博被繫黨人
之獄以訣其母而母且喜動于色謂與李杜齊名王
義方欲劾李相之奸以問其母而母且義形于辭願
同王陵伏劔陳康叔爲郡以弓矢自樂其母馮氏杖
之而教之忠孝以輔國承家崔玄暉爲郎以俸祿自
資其母盧氏戒之而勉之忠清以戴天履地嚴延年
之治河南而用刑慘烈時且有酷聲矣其母正言切
責之而延年長惡不悛也卒以老年而見子受刑李

景讓之鎮浙西而杖士酷殘時且有反狀矣其母庭
召欲鞭之而景讓謝罪不已也遂以數語而撫軍定
變孟宗遊學其母作被十二幅以招貧士共臥庶聞
君子之言王經彥居官其母謂仕二千石以享朝廷
寵榮宜安寒家之分陶侃之母嘗剝薦截髻欲其子
結友寓宿于家非此母不能生此子郭丹之母嘗賣
產鬻衣令其子從師遠遊于外惟是母乃能成是兒
秦瑛氏教誨四子動遵法程故元珍仲珍者卒爲名
士杜泰姬提命七男殊多檢飭故元珪稚珪者皆有
令名此史傳中賢母之表表者也若金日磾之母教

子有法于其死也詔圖其像于甘泉之宮陸雲駒之
母訓子義方于其沒也詔改其居名孝終之里噫此
可爲爲人母者范型矣

廉吏

凡爲吏者之清有求不愧心有植自天性有兢兢然
虞其喪檢有凜凜然懼其敗官此論者有強清詐清
真清澈底清之別而恐人知其清恐人不知其清者
此胡質父子之家風昔嘗爲清郎今又爲清卿者此
常修始終之完節也故季文子三相魯君而無私藏
鬬子文三舍令尹而無私積尹翁歸爲三輔最而居
家食貧賜金以奉其祭祀楊秉爲二千石而計日受
俸餘祿不入其私門陸納徵尚書臨發而止有被幘
趙壹爲郡守上計而獨乘柴車徐昆在右扶風而身

有敝衣董昆補大司農而坐無完席孫農郡功曹而
十月無被陳修豫章守而十日不炊徐邈則衣不充
身劉超則衣不重帛李恂則食不二味劉虞則食不
重穀司馬朗所着者麤衣杜密所臥者布被宋度所
食者麥飯羊膾所啗者乾糧羊茂則夏坐板榻冬坐
羊皮裴俠則肥鮮不食丁庸不取辛術之辭奴婢百
輩杜暹之卻餽紙萬張雷义之辭金二斤杜佑之緘
金百兩以至裴寬之瘞一鹿羊續之懸一魚裴潛之
掛一床胡威之却一絹王攸之食一口劉寵之選一
錢王悅之辭餅一甌時苗之留牛一犢朱敬則之乘

止一馬真德秀之筭餘一縑趙軌之餞水一孟史冊
之還麥一斛馮謙之歸餉鏡一面褚瑤之携竹笠一
枚范岫之作牙筆一床江秉之留書案一具龐深之
置一水一薤清獻之隨一鶴一琴自非克畏四知能
去三惑愛民約已憂國奉公其孰能有此茹冰嚼蘗
之聲飲水投香之譽者乎則信乎其爲清白吏矣
何敬叔榜門而得千百石之米願輸于官者悉取之
以代民租賈黃中按庫而得數十櫃之財不隸于籍
者盡上之以充公帑鍾離意辭賦穢之寶不拜賜于
庭黃文章拾珠璣之囊皆送還其主李勉搜家人所

蓄之犀珍投之江中周顛取二弟所有之輜重焚之
宇下張漁陽去官之日惟乘折轅車范永嘉罷郡之
時惟携白桐木賀循非上幸其第何以知其屋僅蔽
兩服僅蓋身周顛非詔籍其家何以知其絮簾數枚
米糧數石

節義

天地間生人惟此一腔熱血人世間做事獨此一片
精誠有生而生死而死生而慨慷赴死死而英爽猶
生著不滅之休聲垂無疆之芳譽者則豈非以節義
哉故節窮則却軒冕之服而義不徼榮節烈則其斧
鉞之誅而義不擇禍于是虞仲斷髮比干剖心夷齊
餓周包胥哭楚干木避相仲連卻封屈子沉羅長弘
流碧此其節義稱于天下誠亦皎皎犖犖而此稱一
創世之慕之也若渴趨之也若流于是有耿介絕俗
激昂酬時者爭起而鍛鍊其節濯磨其義而逡巡頑

何氏類金 卷之十 行 九
鈍之夫將灑指退息影逝矣故子房奮博浪之椎嚴
陵下桐江之釣朱雲折殿庭之檻梅福掛城門之冠
蘇武落東海之旄楊彪謝太尉之爵脂習收孔融之
死云敞塋吳章之屍陸敬輿抗疏于奉天郭汾陽監
勳于復辟李西平清塵于行在裴晉公討賊于淮西
顏杲卿斷舌于常山張睢陽嚙齒于羯虜雷海清擲
樂于凝碧段秀實擊笏于含元劉摯爲國而極言李
綱憂時而陳策李芾陷城而受刃尹穀死難而焚家
張叔夜過河而仰天李若水罵虜而裂頸陸秀夫含
悲而正笏洪忠宣泣血而操文此皆至誼薄雲高誠

動日百事若棄一心如丹允稱長者之風並得陪臣
之禮常有悲田之客時傳報葛之人即赴鼎鑊而不
媿榮名捐形骸而無慙冠冕矣至若時當篡逆身處
濁亂而有女流如新莽之女曹丕之妹天元之后或
稱疾或投壘或悲憤而歔歔族屬如司馬之叔武嬰
之姪朱溫之兄或謝事或棄官或痛言而切責此其
仗節守義不墮其至親所爲可不謂奇婦人偉男子
耶

何氏卷金 卷之十 十

貞烈

天地貞淑之氣鍾于賢人君子者固多而鍾于婦人
女子者亦不少為女子者未知人道而能舍生仗節
也不易為婦人者已知人道而能忍死持節也尤難
此柏舟之詩所繇賦而懷清之臺所繇築也楚王有
漸臺之留貞姜以取符未還而遭溺吳王有金壁之
聘貞姬以守墓為願而辭婚梁之高行援鏡而割鼻
者惟求一往不返以成烈婦之風段之紀配援刀而
斷指者不肯求生害仁以悖古人之誼樂羊子之妻
曰貞義者不受劫于隣人乃仰天而刎頸皇甫規之

何氏妻金 卷之十一
十一
妻曰禮宗者不受屈于相國乃鞭撲而懸頭房玄齡之抱病幾死也語妻盧氏善事後人而盧且涕泣入帷剔目以示信賈直言之坐貶將行也語妻董氏死可別嫁而董且引繩束髮封帛以待歸陰瑜之早亡而荀采之守節不嫁也乃遂自經而粉書陰字表節烈于門扉許升之被害而呂榮之執節不汙也亦且見殺而暴雨疾風葬貞魂于壠阪衛婦夫亡而誓墓種樹數百株而墓前忽成連理黃婦夫溺而捐生投江十四日而水上忽出浮屍衛婦夫喪而不爲父母所持作巢燕孤飛之詠陶嬰夫死而不爲舅姑所逼

作黃鵠早寡之歌朱百年之婦安貧而耻受餉于會稽守遣婢固辭謝枋得之婦携子而同避難于貴溪山就俘不屈趙曼君之妻華馬妙祈之妻義王元憤之妻姬三人同時而並執齊共姜之節秦嘉之妻淑封卓之妻劉柳子昇之妻鄭三人異世而皆有巴寡婦之風他如魯室女之倚柱嘯吟而蒙隣人之疑遂援琴作歌而自縊衛侯女之嫁齊就道而聞太子之死遂持服畢事而殲身李女爲父保孤而密謀於門生必欲以六尺相委趙女爲父報怨而抽劍於白日不欲以一死偷生秦家有女者爲人雪恨而竟成

何氏妻金 卷之十
名涇州有倪女者爲夫守身而反見殺此皆可稱烈
女之行而並則節婦之林矣

勤學

蓋聞周公朝讀百篇尼父常編三絕劉向晝誦書傳
曹褒行誦詩書而魏舒四十課經揚雄七十擬易皇
甫謚二十始受論語公孫弘四十始讀春秋故知學
之不可以已也人欲務學必先讀書而讀書有在坐
上枕上厠上者有在歲餘時餘日餘者蓋紫臺青簡
綠帙丹經玉版秘文瑤瓊怪牒靡不殫其旨趣貫彼
精微而學斯稱博矣故知古莫如仲舒亦莫如洪景
廬知今莫如齊澣亦莫如陳仲舉而魏文之課臣也
必讀書一千卷者始得登此觀崔儵之署戶也非讀

書五千卷者不得入此堂李邕請命而入秘閣中解
所難解之奧義黃香奉詔而入東觀內見所未見之
奇編邢邵以霖雨而讀漢書五日而輒能誦記者畢
世張安道以旬日而借三史一閱而不復再讀者終
身常敬忠之讀書也一過遂誦千言而張說輒以萬
言試之亦無不通熟張睢陽之讀書也盡卷不差一
字而于嵩亂抽他卷試之亦無少差訛桑維翰厲志
典墳自誓鐵硯磨穿而他業可徒魏收隨陰諷誦積
年板床銳減而精神愈加向朗躬親校讐年及八十
餘必正訛而後已袁峻借書抄寫日課五十紙必登

數而始休蘇秦留心揣摩且引錐刺股結髮懸梁而
不倦朱穆銳意講讀即亡衣失冠墜坑陷岸而不知
虞世南不事櫛沐者累旬桓榮不窺家園者累歲皇
甫之耽翫典籍至于廢寢忘食董謁之繕寫異書至
于爛掌黑舌范文正未遇時讀書長白山下所噉者
米飯二升郭宣徽少年時讀書長安市中所食者胡
餅一具他如董子之下帷發憤劉晝之閉戶服膺孫
文寶之編柳寫經路溫舒之截蒲寫字高鳳之護雞
飄麥車武之囊螢照編匡衡之穿壁引光畢誠之然
薪忘寐江泌之隨月握卷孫康之映雪誦書兒寬之

何氏類錄 卷之十 行誼 廿四
帶經而鋤沈約之滅火而誦應奉之五行俱下襴衡
之一覽不忘凡若此者固陸澄之所謂書厨許懋之
所謂經笥杜預之所謂武庫王彪之所謂青箱非韓
桓之當代偉人則柳粲之牋奏篋子非杜育之舞陽
孔父則柳開之補亡先生豈不翩翩乎其足述也哉

聰慧

自古文人才子所稱少年聰慧者如張堪楊收孔融
有聖童神童異童之目如謝朓房玄齡李泌有重器
偉器國器之名元嘉童子神仙宗懔小兒學士謝莊
江東獨步黃香日下無雙索琳廊廟之材王儉珪璋
之器丘遲東南之美潘岳鍾賈之儔衛玠胸無膏肓
劉璿傍有珠玉徐勉文稱耆宿邢邵名動衣冠歎王
禹偁經緯之才呼以小友嘉虞次安智愚之對謂非
常人謝朓賦土山詩而攬筆便成應誇後來特達蘇
頰讀枯樹賦而避諱易韻必主他日文章吳祐以遠

作史要錄 卷之十一 十五
誘而止父殺青寫書吳家不乏季子陸雲以賦詩而
比古楊烏項橐今日復有顏淵羨謝蘭之靈敏者謂
其孝則曾子忠則藺生推任昉之神悟者謂其百不
爲多一不爲少李德裕不對元衡嗜書之間以其身
爲帝弼而失問調陰燹陽所以益稱神俊高公楚嘗
言湯誓伐君之非以其名爲順人而乃云賞祖戮社
所以愈見絕倫楊牢以彈棋咏詩而父友爲之贈梨
投棗劉晏于行在獻賦而宮人爲之擲果遺花許善
心非神雀頌之文奇未必見稱于儒碩戴安道非鄭
玄碑之詞麗何以驚嘆于時流宋廣平誦鵬賦而吞

大鳥之啣書李義甫進烏詩而栖上林之全樹白居易
易生七月而識之無字便有文字夙昔之緣權德輿
生三齡而知變四聲卽爲縉紳羽儀之望庾曼倩早
有令譽雖荆南才士誰如此子奇英柳文暢少有令
名卽宅南柳卽足了十人才藝張純與張儼朱異同
謁朱驃騎以賦六賦席賦弩而占八坐之口才蕭穎
士與李華陸據共閱古道碑以讀一讀再讀三而識
過人之心計王子安之族少俊者兄弟三人李德林
之家幼敏者祖孫三世若丘柱觀陶母圖指手中金
釧而詰之曰此可易酒何用剪髮者誠穎異之言至

何氏類錄 卷之十一 十六
王雱因坐上客問籠中兩獸而應之曰獐邊是鹿鹿邊是獐者特滑稽之語也耳

方正

古之以方正稱者鍾世林不與魏武帝爲友王仲回不與侯司徒結交陸太尉不與王丞相締婚和長輿不與荀中監同載馬伏波不荅梁伯孫之拜王子敬不題凌雲閣之頽杜黃裳不造王叔文之門王叅軍不餞殷仲文之席周仲智不效兒女啼泣庾司徒亦不學兒女涕流吳大儀不受佞人奉觴蘇文師亦不容佞人枕膝封回不爲商賈之行羊侃不前闔宦之床狄梁公不避妬女之祠第五倫不過從兄之飯王修齡不領胡奴之米王仲祖不食小人之殮丁孝廉

不應即官之綸楊太尉不榮几杖之賜陸士衡不能
堪盧子通之斥祖王夷甫不能當庾子嵩之呼卿蔡
中郎不肯報王常侍之舞筵韓持國不忍辭富鄭公
之銘墓沐德信不留其姊鷄黍之飯桓文林不宿其
姑司空之家宗德艷以年老而不踵門于少年夏侯
玄以刑餘而不受狎于廷尉戴安道不為王侯而執
伶人之業稽侍中不以法服而操絲竹之音揚雄辭
蜀人十萬之錢而不載名于法言穆修却富人五百
之金而不附名于廟記徐勉之為吏部有門人留飲
者止與談風月卒不及官中之私蘇瓊之守清河有

上人造談者竟將入雲霄何由論地下之事齊王問
聽劉喬正人之語而下階之賓客不迎桓公溫聞王
述舊京之言而洛陽之鍾簾不徙蘇世長之諫田獵
心惟計安國家楊大年之作冊文義不願得富貴卜
彬之于太守孟顓投幘拂衣而不欲以世勲之門傲
睨國士江敷之于武吏僧真移床遠客而不能以天
子之命許作士夫梁冀入省帶劍張陵得而呼叱之
桓譚受命彈琴宋弘得而諫止之有詔王鏐兼宰相
李藩取筆而滅之有詔劉氏為貴妃李沆舉燭而焚
之武陵王與僚佐飲而割炙劉璉下席諍之劉栖楚

何氏叢書 卷之十 十六
與丞相語而囁耳崔咸舉爵罰之成詵之于常京兆
因其居喪飲酒欲厲劍斬之柳渾之于張延賞因其
使人諭意欲斷頭謝之此其人為何如人也若楊公
瑾終日清談不知榮利故聞言者內慚顧元歎糾繩
酒失無敢肆情故在坐者不樂劉翼面折僚友退無
餘訾雖罵人而多不憾蘇純教責友朋每以為患而
不見則又繫思其人亦可知矣

博洽

孔子之知商羊知萍實真天縱多能之聖人管子之
知駿象知俞兒乃博物洽聞之君子晋史三豕渡河
卜商讀之而知其已亥晋平一朝賜飯師曠食之而
知其勞薪問曼倩而知其為巫雀為騶牙為怪哉為
畢方鳥為上界火珠之經問茂先而知其為干將為
石鼓為龍鮓為海鳧毛為仙洞蛟龍之髓胡綜知秦
皇王氣張寬知女子星文蘇綽知漢故倉基董養知
周會狄地杜鎬知秦哀公墓賈淵知苟晞兒坐劉杳
知上古犧尊沈約知東夷罨盖何承天知亡新熨斗

張陵知亡秦銅人諸葛恪知小兒爲僊囊李師古知鐵斧爲禁物劉子政知室中屍爲貳負陸敬叔知樹中物爲彭侯陳陶見殘獐于殿前而知昨暮狼星直日段承式獲片鐵于池內而知每日金書報時許敬宗知帝丘王仲宣知礮塚陸澄知服匿孟詵知藥金斛斯微知錚于釋道安知銅斛賈逵知鸞鷲劉杳知犧尊贊寧知畫牛竇攸知鼯鼠高裕知陵鯉蔡衡知青鸞終軍知一角麟董子知重常鳥徐鉉知海馬骨劉敞知龍雀刀束皙知顯陵文傳奕知金剛石崔頤知羊腸坂張柬之知娥影池他如按秦怪而解髦頭

取桐材而扣石鼓見岳神而賀定鼎按持橐而識擊囊獵得異物而爲鵬雛庫有雌雉而爲蛇蛻列宮室之制千萬戶畫華夷之圖三十年暗書列女傳之屏風畧無差失口誦侍臣圖之像贊悉補缺殘以至晉魏梁陳諸賢相與徵事者皆窮今極古搜異探奇或未覩百千或僅逸一二或多五十事或少三十條或十而對其九或五而遺其三或最後而出其十或第百而缺其六斯亦可以稱學府可以稱鴻儒可以稱五經笥可以稱人物志可以稱行秘書可以稱幕府書厨矣

曠達

古無萬年之天子長生實難故望彗星之芒而勸杯
酒人有四海之高名求退不易故因秋風之起而思
葦鱸乃知宇宙古今逝者無非逆旅江山風月閑者
便是主人或棲遲一丘偃仰一室或苦茗一盞名香
一爐或濁酒一壺彈琴一曲或蒲團一具木榻一張
或列圖史以自娛或望雲天以自適或拄笏而看山
爽或乘輿而造竹林登華子之岡放浪寒山野火居
王官之谷逍遙鳩杖布衣藝樹木而浚溝池隨處皆
行歌坐釣拂樽壘而開詩篋無時不飲酒鳴琴白日

何氏類金
卷之一
清宵輒偕村老山僧之輩青山碧水傍睨飛霞層石
之間溪之陰洲之陽望衡而對宇花之朝月之夕挈
伴而行遊百歲如流莫負芒鞋蠟屐三食可辦何嫌
野笋山蔬常探五岳以訪仙真每治三舟以窮幽勝
嘗夏息木陰之下而臥牀東西投足頓令心境清涼
即窮居海島之中而環視天水無涯誰覺形神悽楚
興到則着衣易幘而舞旁若無人情來則下車僂床
而吹弄終便去誠如東方避世將爲崑蓬洲島之游
亦如莊子達生不虞螻蟻鳥鳶之食此達者所以謂
閒居暑月其適果勝于居官乞身壯年其趣更饒于
盡歲良有以也善乎杜陵之言曰我日應客而常若
游溟滓之初憇羲皇之境我日杜門而常若登千仞
之顛濯萬里之流斯于曠達之致得其深矣

藻鑑

世之以藻鑑稱者如裴氏有人倫之鑒汝南有月旦之評其所品騭者如其人其所符驗者如其語也論者曰孔文舉強記博聞趙元達清修嫉惡陳元方閨門雍肅華子魚冰玉潔清而劉玄德則具霸王之畧論者曰劉真長清蔚簡令王仲祖溫雅恬和阮思曠弘潤通長桓子元高爽邁出而孫興公則托玄勝之懷元康之與稚恭一爲豐年之玉一爲荒歲之穀劉紆之與劉歊一爲雲中之鶴一爲天半之霞顧彥先八音瑟琴嚴仲弼九臯鴻鵠王孝伯亭亭直上王阿

何氏類金 卷之十一 詩
二十三
大羅羅清踈山濤如璞玉渾金玉衍如瑤林瓊樹陳
仲舉昂昂如千里驥黃叔度汪汪如千頃波鍾士季
如入武庫森森但見戈矛在列夏侯太初如入宗廟
肅肅但見禮樂在前魏收謂李德林之識度天才必
致公輔陸象先謂賀知章之言論情態可稱風流李
白識汾陽于軍伍之間貸其死罪王謚竒劉裕于布
衣之日日以英雄許敬宗之遇沈謝曹劉而必重其
文章品識之摸索之中杜鴻漸之見盧陸張李而預
決其將相材得之風塵之外盧藏用之論李北海誠
干將器而才之傷缺爲虞稽中散之論趙景卿有

白起風而以量之狹小爲恨黜張昌齡王公瑾於貢
舉者以其文之輕薄浮艷器王戎裴楷于兒童者以
其人之簡要清通子許以節俠垂聲文生以穢貨見
棄皆程品于林宗封軌以方直自業高綽以風槩立
名並見知于郭祚蓋世有識者有識識者上之百不
失一而次之十不失二三矣至如匈奴之使不重魏
王雅望而驚見床頭捉刀人陳留之吏不謂君侯問
官而但舉郡中知名士聶季寶小家子即坐置牛衣
上而見收于元禮之龍門王處仲豪爽人當易衣如
廁時而見稱于石崇之侍婢其藻鑑豈不允異也乎

漢高能於行陣舉韓淮陰能于亡命拔陳曲逆知其
 可以定業興王漢武因不移步識霍子孟因不流眄
 異金日磔知其可以托孤寄命仲舉之強毅在三君
 之下元禮之嚴明在八俊之上定于伯喈之一言伯
 仁之從容廊廟不如庾元規之蕭條方外不如周決
 于明帝之一問

隱逸

易著束帛之義禮垂玄纁之文詩人發白駒之歌春
 秋顯子臧之節月令以季春聘名士禮賢者非無謂
 也故唐堯之帝巢父洗耳於潁川齊桓之興少稷高
 枕於陋巷舜有北人無擇夏有卞隨務光周德雖隆
 夷齊不厭薇蕨漢京雖盛黃綺無悶山林晉陶潛稱
 五柳先生唐鄭薰號七松處士有陳留父老有安丘
 夫人有烟波釣徒有物外司馬南山之四皓孰與淮
 陽一老楚國之二龔孰與杜陵一翁他如嚴平澄漠
 于肆廛梅真隱淪于市卒鄭樸棲真于谷口龍丘肥

適於大山龐公採藥於鹿門德操摘桑於穎上鄭叟
卜築於少室蘇卿結廬於東湖敬微薜蘿爲衣仲蔚
蓬蒿滿室袁閎散髮絕世袁安搔背快人志豐草而
思長林望高岩而瞰大澤吟江風而飲山月餐竹實
而聽松濤枕片石而鋪蓑衣乘柴車而躡草屨或不
忍販賣雲壑或不肯貸粟監河或足不履市城或身
不入公府或五辟不起或三徵不行或賦詩促歸或
托疾高臥諸如此類者非但志驕富貴抑亦性畏廟
堂非徒意愛林泉抑亦情耽魚鳥當時服其高致後
世仰其清標真可謂不掛名字於乾坤不落網羅於

塵世者矣以此知金章紫綬何如黃帽青蓑朱轂繡
鞍何如芒屨藤杖鼎食醇醪何如黃鷄白酒瑤房玉
戶何如竹屋松窓然則北山之北南山之南將安往
而不適晝得所棲暮得所宿亦奚事而不仙而人豈
必叩帝閭登雲路蔭廣厦飾文軒不爲山谷之民巖
穴之叟而乃嬰矰繳之累掛名利之藩也哉噫胡不
讀孔德璋之移文誦皇甫謐之讓表也

徐則所資者松泉韓康所採者仙藥田游巖所需者
天梳日帽潘師正所樂者清泉茂松張翰所採者山
蕨所飲者江水商丘所食者菖蒲所飲者寒泉謝鯤

何氏類金 卷之十一
所好者一壑一丘老人所樂者一水一石張志和所
歌者太虛爲室明月爲燭謝靈運所喜者有酒則舞
無酒則沽宋令文所高者萬尋青壁百丈丹巖管思
復所得者滿戶白雲一潭明月

新刻何氏類鎔卷之十

新刻何氏類鎔卷之十一目錄

氏族類

姓名

名

小字

友人吳邦奇

薛叔庚

門人王元玄

張夢龍

內侄李應荐校

姓

字

婦人姓名

新刻何氏類鎔卷之十一

皇明雲間何三畏士抑父著

氏族類

姓名

夫上古之世人未有姓亦未有名無所謂氏族也自
 几遽始有人號伏羲始有人姓名而氏族自此起亦
 自此分矣嘗攷之傳記有闕姓名者如易牙接輿壺
 關之類有誤姓名者如周蘭揚喜肥誅之流有複姓
 複名者如紅陽長仲吾丘壽王曹牟君卿五鹿克宗
 北宮伯玉句龍吾斯有複姓單名者如公玉帶鍾吾

蒼毋丘儉成公綏息夫躬主父偃有姓名同音者如
 成周之有騏期漢時之有杜度戰國之有穆留三國
 志之有奚熙北燕錄之有乙逸有姓名並變者如范
 睢之為張祿范蠡之為陶朱梁鴻之為運期曜范仲
 淹之為朱說范長生之為蜀才若伏羲時之巫咸太
 戊時之巫咸黃帝臣之風后夏禹時之風后戰國之
 王豹前漢之王豹春秋之朱張後漢之朱張而又有
 三孔甲三召平三張溫三張儉而若王商李密劉晏
 楊時張綱張載數輩者亦每人而三又有兩韓信兩
 內吉兩劉陶兩陳咸而若劉毅王澄孫秀周撫李珣

韓翊數輩者亦每人而兩乃知寰宇之內古今之間
 公卿之家士庶之族其同姓名者不勝其多而與帝
 王聖賢同者亦復不少如唐堯虞舜二帝也而漢亦
 有唐堯梁亦有虞舜夏后啓商湯二王也而周亦有
 夏后啓魏亦有商湯曾參顏回二賢人也而魯亦有
 曾參晉亦有顏回比干箕子二忠臣也而魏亦有比
 干漢亦有箕子則我不知所謂耳

都有以邑命氏而其後爲沂相爲揭陽爲甘士有以次爲氏者則如伯仲叔季有以族爲氏者則如孟仲癸丁有賜氏者如居姬水賜姓姬居姜水賜姓姜居姚媿賜姓姚居嬴瀆賜姓嬴而漢高帝則賜婁敬姓以劉唐太宗則賜徐勣姓以李有改氏者如計然辛姓改計訾順祭姓改訾牛弘遼姓改牛稽康奚姓改稽而踈皙則以避仇家改姓束田千秋則以乘小車改姓車其後邾子之爲朱邾叔之爲于則以字相似而其姓遂因之誤莘子之爲辛虢叔之爲郭則以聲相似而其姓遂因之訛閩人以王審知而易沈爲尤

楚人以項籍而易籍爲席此其更姓則私張爲灌嬰舍人而冒爲灌劉慕伍員忠烈而冒爲員此其冒姓則僞蓋攷族氏者邇其業可以知其本尋其流可以知其源而有能辨王之氏爲元城之王邛城之王宜春之王者耶有能辨劉之氏爲陶唐之劉奉春之劉元海之劉者耶有能辨馬之氏爲馬服之馬馬矢之馬石之氏爲周衛之石後趙之石者耶至乃揚雄之揚與楊震之楊不同而楊震之孫脩乃云吾家子雲吾家子雲也是不識雄之姓苻堅之苻與符融之符不同而顏真卿乃云从卅爲姓从竹爲卍也是不識

融之姓亦可笑矣

[Faded bleed-through text from the reverse side of the page]

名

古人之名其子也有信有義有象有假有類不以國不以官不以山川不以隱疾不以器幣不以畜牲冠而字之書而藏之蓋其重也而又有如卜商梁商武周馬周蔣晉蘇晉魏齊殷齊盧楚陳楚甯越蒯越賈魯饒魯亥唐馮唐者則皆取名于國又有如呂相魏相隗相茅相賈臣信臣堯臣鼎臣吳公翟公蓋公江公叔卿臺卿彥卿正卿者則皆取名于官又有如華嶠温嶠潘岳劉岳任山馮山李岱徐岱鄭谷巢谷戴淵褚淵山濤劉濤李泌張泌者則皆取名于山川又

有如伯靡士弱泰顛閔天樂溷潘廷曾天叔瘠去病
棄疾棄距得疽温疥許愈終累遽除者則皆取名于
隱疾又有如韋鼎桓煖王鐸崔鉉孫節李符蕭質蔡
劍常袞劉晃王黼張轍嚴綬宋弁朱服黃裳者則皆
取名于器幣又有如犖麋皇麋史狗稚狗荀彘伯彘
伯牛豎牛綿駒景駒季駒衛駒樂羊孺羊者則皆取
名于畜牲至有名以鱗介名以草木名以珍寶名以
樂音名之經史則入史出經名之聖賢則希賢宗聖
賜名而名者則如魏太祖之賜程立名昱唐睿宗之
賜陸景初名象先慕名而名者則如元任明之慕荀

名或司馬長卿之慕蘭名相如若謝莊名其家五子
颺肫顛從瀟則以風月景山水宋子虛名其友五子
鑫森淼焱垚則以水火土木金楊惟直名其四兒以
發假收嚴則通于時序孫休名其四男以靈靈鉅甍
則近于怪迂矣

沈懷文之名其子也淡深冲洪忠宣之名其子也适
導邁崔光之名其子也勵勗勉到彥之之名其孫子
也沼漑洽傳氏之名其子也靈慶靈根靈越馬氏之
名其子也子結子尚子廉盧氏之名其子也渥沼治
沅謝奕之名其子也韶朗玄川後魏祖之名其子也

恂愉悅懌王福時之名其子也勃劇助勗王氏之名其子也琪珪玘璿魏徵之名其子也叔玉叔琬叔璘叔瑜薛氏之名其子也萬均萬徹萬淑萬脩向敏中之名其子也傳正傳式傳亮傳範謝發之名其子也固田因圓困竇禹鈞之名其子也儀儼侃偁僖竇叔向之名其子也常牟羣庠鞏張氏之名其子也知寒知玄知晦知泰知默陸元方之名其子也景初景倩景融景獻景裔郭汾陽之名其子也曜旰晞晷晤曉曙映韓億之名其子也綱綜繹絳維績緯緬

字

凡人有姓則有名有名則有字字者所以尊名也有名同而字同者如邊韶段韶之俱字孝先華陀裴陀之俱字元化荀悅庾悅之俱字仲豫楊震黃震之俱字伯起劉平張平之俱字士衡袁昂柳昂之俱字千里有名異而字同者如谷永揚雄之皆字子雲田叔李陵之皆字少卿東方朔于定國之皆字曼倩蓋寬饒黃霸之皆字次公韓安國韋賢之皆字長孺石崇山簡之皆字季倫有名同字異者如晉王肅之字子雍魏王肅之字子恭晉葛洪之字稚川宋葛洪之字

容父晉張載之字孟揚宋張載之字子厚唐郭震之
字元振宋郭震之字希聲有字與名同者如蔡興宗
之字興宗王僧孺之字僧孺魏蘭根之字蘭根魏少
游之字少游師覺授之字覺授張嘉貞之字嘉貞孟
浩然之字浩然崔彥穆之字彥穆有一人而兩字者
如范述曾之字子玄又字穎彥王瞻之字明遠又字
叔鸞劉虬之字靈預又字德明顧歡之字景怡又字
玄平吳苞之字天蓋又字懷德有一人而改字者如
張說之字道濟更字說之柳渾之字夷曠更字惟深
徐溫之字和叔更字化光尹焯之字彥明更字德克

秦觀之字少游更字太虛有以一言爲字者如曾點
之字皙顏無繇之字路秦冉之字開申黨之字周陳
勝之字涉項籍之字羽枚乘之字叔鄭當時之字莊
柳公綽之字寬有以前人爲字者如伏公之字叔齊
翟宣之字太伯竇融之字周公應奉之字世叔衛宏
之字敬仲何熙之字孟孫傅燮之字南容伍倫之字
伯魚賈逵之字景伯字有互異者如虞翻字升卿而
碑又謂安定陳寔字仲弓而碑又謂仲躬梁公主字
華莊而碑又謂花妝字有傳訛者如向長字子平而
傳又作尚平王烈字彥方而志又作彥考應邵字仲

何氏卷金
遠而傳又作仲援至如張老字孟其子趨亦字孟管
夷吾字仲其父山亦字仲則是父子而且不嫌同字
者漢高祖字季其臣張釋之亦字季孫亮字子明其
臣呂蒙亦字子明則是君臣而亦不嫌同字矣

小字

凡人未名而有小名未字而有小字蓋自漢唐宋以
來皆有之而小名錄作于陸龜蒙小字錄作于陳思
氏小名小字者人生之初稱而亦通稱也故小字有
徐湛之仙童有李家之白老有齊祖之鬪將有宋帝
之車兵有郟超之嘉賓有庾爰之園客有蘇公之同
叔有張彧之借哥有李君羨之五娘有謝瑗度之末
婢有王徽之荆產有魯爽之女生有李寶之衍孫王
粹之彥孫有許確之嗣伯李崇之繼伯有漢相如之
犬子隋趙王之李子王修之荀子有謝據之虎子吳

何氏類金 卷之十一
隱之附子盧昌之龍子唐莊宗之亞子彭城王義康
之車子亦有孫觀柳仲禮之嬰子申子有侯景李行
之狗子師子有崔液崔明達杜宗武之海子漢子驥
子有陳叔寶之黃奴唐高宗之雉奴石崇之齊奴有
王邵之大奴王薈之小奴桓嗣之豹奴陶範之胡奴
汝陽王李璡之花奴亦有江啟盧思道之盧奴釋奴
有孫騰任忠之僧奴蠻奴有臧霸王獻之李林甫之
寇奴官奴哥奴若僧彌僧恩僧悅僧伽則王珉王禕
徐陵劉遴之屬若法真法生法身法護則梁敬陳武
昭業王珣之流以郎字如雲郎容郎臺郎緇郎獮郎

旃郎者為劉都為李士謙為李德裕崔胤王安石韓
彥真以兒字如甄兒客兒陀兒洪兒虎兒嗣兒者為
范曄為謝靈運為畢義雲姜澄蘇子由許孝敬以翁
字如鳧翁社翁者為齊武成李丞相以王字如藥王
多王者為陳廢帝豫章王或字六通六真或字三旺
三昧或字佛助佛大或字智觀智隨或字道覆道恩
或字玄祿玄度或字文殊迦葉或字檀越沙彌或字
金剛夜叉或字闍黎和尚或字曼倩康樂或字干木
淳于或字崑崙洪崖或字慈明通達或字玉臺玉斧
或字鐵山鐵胡或字鳳凰鷄鳴或字蝨斯虎犢或字

大馬小馬或字黑牛鐵牛或字斑獸墨鬣翠螭或字
烏熊青雀白鵠而其以一字為小字者則若邢虬之
吉韓昶之符庾倩之倪王筠之炬若李泌之順裴駿
之皮桓修之崖桓歆之式若劉孝綽之春李秀林之
楹若盧仲義之黑蘇易簡之岷若袁喬之羊王愉之
駒衛玠之虎文倣之鶯若李裔之桂張邵之梨張敷
之檀畢象敬之柰謝之封胡遏末張之椿桂椅杞陶
之舒宣雍端通以至褚澹之佛佛殷天祥之七七薛
公儀兒之已已諸如此類者固難以縷指數矣他如
徐踐字靈寶桓玄亦字靈寶宋世祖字道民劉穆之

亦字道民李暘字長生慕容晞亦字長生孫皓字彭
祖王峻亦字彭祖曹孟德字阿瞞唐明皇亦字阿瞞
王戎字阿戎王思遠亦字阿戎而其字阿廢阿孩字
阿太阿黑字阿螭阿龍阿鼠字阿巢阿崖阿平字阿
納阿源阿童阿林阿乞阿菟阿興阿多阿齡字阿堆
阿荅阿壽阿鐵阿鄴阿恭阿蘇阿遠阿肉者又豈少
哉至乃嗣宗之稱阮咸而謂之小阮東坡之稱任紱
而謂之小任此即不以小字呼亦畜以小友之意云
爾

而謂之小并也取亦以小字也亦謂以小字之或云
 婦至八國宗之禮則然而謂之小則或疑之無功
 而谷國壽四越四越四越四越四越四越四越四越
 陰國派四童四林四三國四興而受四領字四
 則本則果字四則四則四則四則四則四則四則四則
 王太子則夫王太子則夫王太子則夫王太子則夫
 而子則夫王太子則夫王太子則夫王太子則夫
 而子則夫王太子則夫王太子則夫王太子則夫

婦人姓名

古者婦人無名以姓為名而或係之字如仲子季妻
 之類或係之謚如戴嬌成風之類是也漢有淳于衍
 陳持弓王昭平陶望卿徐來董訾衛君孺衛子夫皆
 婦人名姓而班彪之女名昭字惠蔡邕之女名琰字
 文姬陰瑜之妻名采字女荀竇韜之女名蕙字若蘭
 者皆有名有字而以字稱若少君阿少穆姜瑗姜之
 輩憲英惠風絡秀道韞之流又有若袁隗之妻馬氏
 字倫龐涓之妻趙氏字娥王渾之妻鍾氏字琰皮京
 之妻龍氏字憐則又皆以一言為字而他若齊王之

虞姬項羽之虞姬鄭莊之鄧曼楚武之鄧曼漢趙后
之飛燕唐宮人之飛燕東方妻之細君烏孫妻之細
君魏文姬之夜來天寶妓之夜來蜀王妃之花蕊孟
昶妃之花蕊秦穆女之弄玉李氏女之弄玉齊潘妃
之玉兒元樹姬之玉兒又皆美人而同名者若宋太
后之滔滔隋陶主之施施秦家女之休休劉立女之
美美張祐妻之燕燕魏鵬妻之娉娉朱氏姬之寵寵
常青姬之紅紅沈尉妾之真真李勣妾之妹妹隋宮
婢之羅羅唐宮婢之瓊瓊比里倡之蘇蘇錢唐倡之
愛愛秦州妓之香香成都妓之憐憐又皆美人而雙

名者至若薛濤之號女校書黃崇嘏之爲女狀元孔
貴嬪之稱女學士婁逞之錄事議曹石氏之督兵昭
義孟氏之出帥朔方此又以婦人而兼文事武備亦
足奇矣

何氏類金

卷之十一

十一



新刻何氏類鎔卷之十一

[Faint bleed-through text from the reverse side of the page, including characters like '何氏類金' and '卷之十一']

